

重刊道藏輯要

漢丞相諸葛忠武侯集卷之七

三十六世孫義基編輯

遺文

黃陵廟記 節文

僕躬耕南陽之畝遂蒙劉氏顧草廬勢不可御計事善之於是情好日密相拉總帥趨留道履黃牛因覩江山之勝亂石排空驚濤拍岸斂巨石於江中崔嵬嶢峴列作三峯平治泮水順遵其道非神扶助於禹人力奚能致此即僕縱步環覽乃見江左大山壁立林麓峯巒如畫熟視於大江重複石壁間有神像影

道藏輯要

忠武侯集  
遺文

一  
川川上  
星集三

現焉鬚髮眉冠裳宛然如彩畫者前豎一旌旗右駐一黃犢猶有董工開導之勢古傳所載黃龍助禹開江治水九載而功成信不誣也惜乎廟貌廢去使人太息神有功助禹開江不事鑿斧順濟舟航當廟食茲土僕復而興之再建其廟號曰之曰黃牛廟以顯神功

陳仁錫曰此記惜是節文武侯文字絕奇此亦卧龍之片鱗耳

陸游云黃牛廟靈感神封嘉應保安侯皆紹興以來制書也其下即無義灘亂石塞中流望之可畏傳云神佐夏禹治水有功故食於此門左右立小石馬廟後叢木似冬青而非葉

有黑文類符篆然葉各不同夜舟人來告請無擊更鼓云廟後山中多虎聞鼓則出

范成大云黃牛峽上有浴川廟黃牛之神也亦云助禹所疏川者廟在大峯峻壁之上有黃跡如牛一黑跡如人牽之云此其神也順流而下黃牛峽盡則扇子峽過此則峽中灘盡矣

### 梁父吟

齊勇士陳開疆顧冶子公孫捷晏嬰讓之景公曰王摘三桃自食其一各令說功高者賜一顰陳顧遂食之公孫自刎而陳顧懷慚亦從而刎侯出齊城見三墳有感而作

### 道藏輯要

忠武侯集  
遺文

二  
川上 星集三

步出齊城門遙望蕩陰里里中有三墳壘壘正相似問是誰家冢田疆古冶氏力能排南山文能絕地理一朝被讒言二桃殺三士誰能爲此謀相國齊晏子

### 白鳩篇

翩翩白鳩再飛再鳴懷我君德來集君庭白雀呈瑞素羽明鮮翔庭無翼以應仁乾皎皎鳴鳩或丹或黃樂我君惠振羽來翔東壁餘光魚在江湖惠而不費敬我微軀策我良駟習我驅馳與君周旋樂道忘饑我心虛靜我志霑濡彈琴鼓瑟聊以自娛凌雲登臺浮游太清攀龍附鳳自望身輕

### 司馬季主碑贊